

Persahabatan **JANGKRIK** dengan **PETANI**

NI Wayan Putu Suardani



ATUR PENGAKSAMA

Rasa angayu bagia katur majeng Ring Ida Sanghyang Widi santukan sesuratan sane mamurda “Pasawitran I Jangkrik tekén Petani” sida kapuputang. Sesuratan puniki nyritaang indik pasawitran I Jangkrik tekén Petani. Ring seseuratan puniki medagang piteket-piteket susila sané dados kamargiang alit-alité sadina-dina. Piteket punika indik seneng mapitulung, setata mautsaha, miwah sané lianan.

Ngwacén sesurutan punika keaptiang alit-alité mangda melaksana becik manut kadi piteket sané munggah ring sesuratan cerita puniki. Sesuratan puniki kanton akéh kirangnyané. Pinunas titiang mangda ménten piteket-piteket, mangda pungkuran sesuratané sané katur ngancan becik

Panyurat

DAFTAR ISI

Atur Pengaksana	i
Daftar Isi	ii
Pasawitran I Jangkrik tekén Petani	1
Biodata Penulis	17
Biodata Ilustrator lan Tata Letak	18



Semengan sané asri ring Bukit Badabudu. Matan ainé masunar mapag matan ainé. Kedis-kedisé ngédengang keluwiannyané. **Kampidné** mewarna-warni.



Sakadi biasané buron-buroné mapupul liang ring bongkol bukité. Buron-buroné pada liang mamunyi. Melénan tekén jangkrik-jangkriké. Jangkrik-jangkriké pada mengkeb di betén batuné. Jangkrik-jangkrike merasa sebet lan elek. Sawireh dugas ento tuara bisa mesuang munyi.



Jangkrik-jangkriké pada mapupul di betén batuné.
Jangkrik-jangkriké igum. Jangkriké pacang mapinunasan
rikala peteng bulan purnama. Jangkrik-jangkriké
pacang nunas apang ngidang mesuang munyi. I
Jangkrik ngedot apang patuh sakadi buron-buron
lénan.

Peteng Bulan Purnama sané antiange tekén
jangkriké teka. Rikala bulan purnama sané becik
di Bukit Badabudu. Mekejang jangkriké mepupul.
Jangkrik-jangkrike pacang mapinunasan.





Suba mekelo jangkrik mapinunasan. Tusing ada dingeha suara uling langité. Sagét ada hujan lan tatit uling langité. Dugas ento jangkriké tetep pageh mapinusan. Sedeng mapinunasan sagét ada suara dingeha uli langité. "Eh Jangkrik – jangkrik ajak mekejang uling jani pacang bisa memunyi mengering. Gejerang kapidé, tusing dadi pesu ngawit matan ainé endag. Keto suara ané dingeha uling langité. Mekejang jangkriké pada lega pinunasné misi.


Hujané sampun usan. Jangkriké ngedot muktiang kasujatian suaran langité. Mekejang jangkriké ngebirang kapidné. Jangkriké pada mengering. Jangkriké pada bagia. Ritatkala bulan purnama di Bukit Badabudu jangkriké mengering. Jangkriké jani suud sebet. Jangkriké tusing buwin elek di malun buron-buroné.



Buin maninné ritatkala semengan, jangkrik-jangkriké tusing dadi adéng laku mengering. Jangkrik-jangkriké pesu uling batuné. Jangkriké pada mengering saling sautin. Boyaja maan ajum-ajuman uli buron ané lénan nanging jangkrik-jangkriké amahe baan buron sané lenan. Jangkriké ané enu idup buwin mengkeb di betén batuné.



Rikala peteng jangkriké pada mapupul. Jangkriké
meselselan tuara nuutin suaran uling langité. Petengé ento
jangkrik-jangkriké igum tuah laku pesu lan mengering
rikala peteng. Jangkrik-jangkriké igum nuunin bukit ngalih
tongos ané tusing ada ngulgul.




Petengé ento jangkrik-jangkriké nuunin bukit. Tusing kerasa
jangkrik-jangkriké neked di cariké. Di cariké ada kubun
petani. Jangkrik-jangkriké mengkeb di betén batuné.
Jangkrik-jangkriké tusing ia mengering wiréh pada kenyel.





Buin maninné jangkrik-jangkriké nepukin petani adiri di cariké. Petaniné tepukiné meselselan. Padinné ané tajuka telah amah bikul. Jangkriké dot nulungin kéwale tusing nawang kénkén carané.



Rikala peteng jangkrik-jangkriké pada
pesu uling pengkebané. Jangkriké pada
mengering keras saling sautin. Jangkriké
liang kenehné hidup di cariké.





Buwin maninné rikala matan ainé endag. Petaniné merasa liang. Tepukina padine abedik amah bikul. Petaniné dot nawang kija pada bikulé ane biasa ngerusuin. Apang tawanga kénkén kasujatianné.

Petengé nyanan petaniné laku ngintip di cariké.


Matan ainé suba engseb, petengé teka. Petaniné ngawitin ngintip di cariké. Petaniné mengkeb durin punyan kayuné. Tepukiné liu ada jangkrik. Jangkriké pada mengering saling sautin. Tepukine bikulé mererod megedi uling cariké. Petaniné mara nawang kénkén unduké. Padiné abedik amah bikul ulian bikulé liu megedi. Bikulé tusing kuat ningeh munyin jangkriké mengering.



Ulian nawang unduké mekejang. Jangkriké meguna
pesan buat petaniné. Uling petenge ento petaniné
mejanjii lakar masawitra tekén jangkrik-jangkriké:
Suud ngintip di carike petaniné lantasi ka kubunné.



Sesukat jangkrik-jangkriké nongos di cariké. Hidup petaniné liang pesan. Padiné pada mupu. Petaniné tusing ada ngulgul jangkriké. Jangkriké merasa lega ngidaang nulungin para petaniné



BIODATA PENULIS



Nama : Ni Wayan Putu Suardani
Ponsel : 085238061708
Surel : niwayanputusuardani87@gmail.com
Facebook : putu suardani
Genah Ngajahin : SD Negeri 1 Karangasem

Embas pinanggal Pelekutus Mei 1983 ring Amlapura Kecamatan Karangasem. Sadina-dina dados guru ring SD Negeri 1 Karangasem. Sesuratan puniki wantah karya sané kapertama. Sané mangkin magenah ring BTN Kertalangu Subagan.

BIODATA ILUSTRATOR LAN TATA LETAK



Nama : I Nyoman Dana, Amd.Kom.
Tempat, Tanggal Lahir : Tumingal, 28 Juli 1996
Ponsel : 0878 5955 2905
Surel : mand4na@gmail.com